



00479

2

碧山學士集卷之十三目錄

洛

張太傅十二年年滿內閣請到任啓

申閣師加官到任內閣請啓

內門候陳春翁座師啓

守制謝太岳張老師啓

上申瑤翁乞墓銘啓

壽太岳張老師啓

同門候陳座師啓

同府迎賀新進士請啓

碧山學士集

卷之十三

上太岳張座師啓

上鳳盤張館師啓

壽申相公啓

同門候陳座師啓

賀孫蜃川啓


謝董潯陽啓

荅趙大尹賀生日啓

荅王荆石入相啓

荅李見羅巡撫啓

荅萬二愚大尹啓



荅貢洪山太府啓

荅鄧玉洲巡撫啓

荅督府張弘軒啓

賀督府鄭範溪啓

壽呂期翁相公八袞啓

壽王荆石相公啓

候王對南相公啓

荅沈玉陽啓

荅邵梅墩巡撫啓

潞河謝申相公啓

啓于谷山諸公

上冢宰楊二山啓

壽申相公啓

謝董潯陽賀生日啓

賀軍門王洪陽啓

賀陳玉壘拜相啓

謝崇德周大尹啓

壽章大尹啓

壽申相公啓

賀孫立峰年伯啓

碧山先生集

卷五

賀趙澌陽啓

賀劉軍門啓

壽徐輿浦啓

壽申相公啓

復維巡撫啓

賀沈繼山起大理啓

復徐節推啓

同門候陳座師啓

啓沈蛟門

回申瑤翁聘啓

碧山學士集

上卷目錄

壽申瑤翁啓

啓總河劉晉川

碧山學士集卷之十三

樵李黃洪憲懋忠甫著

啓

張太傅十二年考滿內閣請到任啓

伏以黃扉論道夙瞻元老之猷紫綵疏榮載錫上公之命恩隆鼎鉉慶協冠紳應五百年名世之期君臣合德奏十二載匡時之績夷夏交歡自昔秉政之初暨今施澤之久勤勞盡瘁勲猷與日俱新平格無私精白惟天可表事業光昭于百代忠貞茂著于三朝帝命孔嘉猶謂宗功之未救碧山學士集卷之十三

公孫碩美惟憂寵祿之過盈勉用公圭祗承上眷受茲服命益爲猷裕之基監我士師永作恭先之範敬訊穀旦肅戒芹筵領袖有公日幸袞衣之邁塩梅惟爾常瞻鼎味之調祈鶴蓋以來臨履鳳池而翹跂謹啓

申閣師加官到任內閣請啓

伏以黃扉亮采夙瞻上相之猷紫綵疏榮載錫孤卿之秩望隆朝著光動台垣當茲國運之昇平惟是公功之斐迪楓宸錫命傳德義以毗一人槐位升華領銓衡而式百辟恩崇特眷慶協羣寮某

等叨附鴻達彌深燕喜籍公餘潤幸荐沐乎天
恩示我周行祈共襄乎國事祇訊穀旦敬拂芹筵
袞舄來臨作虞裳之領袖塩梅並濟調商鼎之和
羹敬啓

同門候陳春翁老師啓

伏以羽毛初長于春風深慚附鳳桃李均霑于化
雨竊幸登龍幾思墜履以懷恩願扣洪鍾而待教
台暉峻隔嶽望懸馳恭惟春翁老師大人荆衡毓
瑞江漢儲精學海文山蚤蜚聲于金馬春花秋實
聿擅譽于銅龍帷幄談經絲綸代草某等才疎待

碧山學士集

卷之十三

二

兔迹陋懸鶉憶往者夢入桐華幾泣都門之月辛
先生甄收藥籠齊看上死之花爰筮仕于後先各
拜官于中外莫不服膺訓指稟仰周行策蹇步以
齊驅祇恐敗羣于冀野淬鉛刀而一割敢云長價
于薛門衣鉢同傳金蘭若契顧二十人奄棄其一
幾與存沒之悲閱兩三載不得其門易動合離之
感茲者九州述職萬玉朝宗會諸子搢笏而集京
師乃先生繩管而歸故里萱堂葵隕多愧懷縑鸞
鏡珠沉末由執紼睇綠蘿而仰止望白馬以興思
荷洪造之天高祇深踴躍企台光之日遠曷任瞻

依絨尺牘以遙馳耿寸衷之莫罄恩同罔極嗟白
璧以難酬物匪多儀冀黃金于一諾伏願茂膺景
福調他年傳鼎之梅時惠德音培今日梁門之李
某等無任激切跂望之至

守制謝太翁張老師啓

伏以大冶陶鈞仰荷裁成之德玄纁束帛恭承惠
帛之私恩徹九原感深五內欽惟老師老相公閣
下才優王佐學爲帝師弼亮三朝合官府于一體
救寧四海罄夷夏以祇歡屬國運之昇平皇皇奠
枕惟公功之斐迪穆穆迓衡 聖天子深眷其忠

誠惟和惟一士大夫陰被其德澤不識不知詎期
天禍之亡人尚荷仁慈之錫類念先人管蒯之舊
深用感傷閔小子蓼莪之憂曲加存恤辱儀文之
荐及合存沒以均霑屑涕交頤感恩鏤骨怙今無
父深懷陟屺之悲成我者師願效如岡之祝儻未
蓐螻蟻而先委露當期畢犬馬以報恩天肅具荒
由敬陳謝悃伏惟鈞慈鑒宥某下情無任屏營仰
戴之至

上申瑤翁乞墓銘啓

伏以廣廈萬間久荷旃幪之德生芻一束親承惠

吊之私恩徹九原感深五內恭惟柱國瑤翁閣師
老相公生符嶽降寵自天申佐命綸扉贊萬幾而
和廢政論思密勿弼一人以康兆民 聖明屬意
于倚衡時厯聽履士庶樂觀于秉軸日且彈冠某
猥以疎庸謬承剪拂始蒙培植徼一命以榮親繼
賴吹噓借四牡而將父未效傾葵之報遽深陟屺
之悲乃親枉乎高軒致吊唁于邸里儀文荐及存
沒均霑屑涕交頤脚恩刻骨自傷酷罰雖九死何
以贖餘辜徼惠寵銘冀一言可以當大事知相公
方調鼎鉉誠無暇于操觚閔孤等辱在陶鈞竊覲
碧山學士集 卷之十三 四

榮于華袞望風稽顙泣血陳情仰冀鈞慈俯垂鑒
照豈特寵靈于宗祖永將戴德于子孫某下情無
任激切哀懇之至

壽太岳張老師啓

伏以泰階向平萬國頌調元之政 蕤賓應律三台
逢孕秀之祥百福鼎來千官羅拜恭惟太翁老師
張相公閣下兩朝元老一代偉人砥節伊周丰采
爲百僚之鑒矢心天地忠誠結 主上之知屬機
會勛勳非才節兼全鮮不難于累卵乃從容鎮定
雖聲色不動而自安于覆盂九重資巨楫以方殷

四海仰甘露之益沛屬惟長至之日會逢五紀之
辰槐閣風薰慶椿萱之並茂榴屏晝錦偕蘭桂以
森芳恩分玉饌之珍頌溢絲桐之奏如某者蓬蒿
賤品樗櫟散材昔遭金鑠以多尤重荷玉成而再
造恩深罔極御報無由墻角殘蔬自隔阿衡之鼎
海隅斷梗空瞻傳說之舟望北斗以馳情比南山
而獻頌國恩家慶祈百順以無疆 帝眷 天庥
願純禧之永集敬修潢潦遙祝岡陵不盡勤倦仰
惟鑒納某無任感激馳慕之至

同門修候陳座師啓

碧山學士集

卷之十三

五

伏以文昌南度宮墻遙隔于楚雲龍火西頽履舄
將歸于魏闕思側九重之席情懸多士之旌恭惟
老師大人德重青宮經明翠幄文山學海遠超班
馬之林景星慶雲預識夔龍之武頃居廬而讀禮
肆闔戶以養恬清望愈隆端揆有待惟 聖明佇
螭頭之筆記動紀言而吾黨欣驥尾之榮亦趨亦
步顧某等學不知方仕未能信羽毛初長幸蒙披
拂之恩袞稅無成仰籍併懃之力慨自素冠而一
別俄將序簪以三周瞻邈彌殷依歸誠切春風滿
座嗟函丈之久違秋水橫江願仙舟之遙發敬馳

蕪牘少布非忱伏冀鈞慈特垂鑒亮

同府迎賀新進士請啓

伏以萬曆凝圖世運際雲龍之會四星聯壁文光
射天馬之津賀 聖朝得天下才欣吾黨同里中
子泥金宵去鵷湖上冠蓋續紛蓉鏡曉開鳳池頭
錦韉馳驟恭惟先生足下質粹圭璋文驅蟹悅吳
山秀水鍾兩浙之菁華學海詞壇漱六經之芳潤
鄉評月旦蚤譽儒林朋社陽秋共推國士頃者金
門獻策 玉陛傳臚振扶搖九萬之鵬騰溟海兩
雙之鶚看花奪錦快瞻結綬之王陽擊節盱衡奚
碧山學士集 卷之十三 六

啻彈冠之貢禹拔未盈于得五慶彌切乎朋三從
此日身到黃扉自是簪纓之故事越異時名標青
史還爲鄉國之寵光穆卜良辰恭承勝會建千旌
之子子執筴前驅捧束帛之芟芟舉觥左辟望鴻
儀其賁止聊申蘋藻之羞接燕笑以學如聿重粉
榆之誼

上太翁張座師啓

伏以金門釋褐欣逢元凱之同升黃閣懸弧恭遇
甫申之初度四方來賀百福攸同恭惟老師大人
弼亮 三朝救寧四海致吾 皇典學勤政實萬

世無疆之休使天下順治威嚴成四夷咸賴之化
雖簪纓世祿在國家未足救乎公功使子孫多才
實天心將世胙乎明德巍科接武鼎甲重新赫赫
太師寵遇于人臣無兩振振公子才名則國士少
雙昔商有阿衡周有公旦皆策勲佐命之元臣而
尹之伊陟周之伯禽亦繼體象賢之哲嗣粵觀今
日尤異當時惟至平通格于天故盛德克昌厥後
矧是景風之候更逢彌月之祥宮袍偕綵服齊輝
南極與西奎並耀某瞻依徒切旅賀無由遙陳朱
芾之歌載矢罔陵之頌伏願作孚先以迪後永思
懇之至

上鳳翁張館師啓

伏以金門釋褐方呈瑞于鳳毛黃閣懸弧益增齡
于鶴筭門闌萃祉朝野交歡恭惟老師大人降神
而生夢帝所賚譚經翠幄精誠孚一德之交輔政
黃扉丰采爲百僚之鑒舉世皇皇奠枕惟公穆
穆迂衡勲在國家德垂後裔一經教子夸得意于
春風三壽作朋頌誕彌于夏日南極與西奎並耀

官袍借綵服齊輝八千歲以爲春自天申祐五百年而名世得嗣益昌某夙荷甄陶時屢傾戴慶虞廷之舉凱喜溢彈冠歌周嶽之生申歡同愛日祗陳澗潦遙祝岡陵伏願胤祚寢昌世世踵夔龍之武壽祺永介時時補堯舜之裳某下情無任屏營祈懇之至

壽申相公啓

伏以商家保乂共推平格之勲周嶽降神恭遇誕彌之慶祥生鼎鉉喜溢冠紳恭惟老相公閣下學本 帝師才優王佐金華論道精誠夙結于 主

碧山學士集

卷之十三

八

知玉鼎調元德業允孚于輿望舉世皇皇奠枕惟公穆穆迓衡民所具瞻天惟純佑茲者日行西陸節屆中秋貫月流虹將賀嵩呼于 萬壽垂芒降祉先瞻星見于三台氣轉鴻鈞籌添海屋年華方富佐春秋鼎盛之 君德譽益隆保日月升恒之福某久叨覆露時切瞻依迹雖滯于登龍情實深于躍雀溪毛澗藻恃明信之可羞山阜岡陵願壽祺之永介伏惟炤鑒以慰懃懃某無任屏營仰戴之至

同門候春翁陳座師啓

伏以彤帷論學朝多啓沃之猷綠野養高世仰羽
儀之則聲垂竹帛望重林泉恭惟老師大人學冠
儒纓文裁帝袞橫經典禮功名夙著于春秋枕石
漱流清譽允孚于月旦黃金可鑠白璧何瑕九重
之側席方殷四海之瞻巖特重考槃在澗雖暫與
赤松而遊于旛來郊終當爲蒼生而起某等自慚
樸遯並辱栽培桃李成蹊咸托門牆而自庇塩梅
調鼎時思袞繡之遙歸肅具荒函敬陳台履伏惟
鈞慈垂炤

賀孫履川啓

碧山學士集

卷之十三

九

伏以魏闕疏恩留都起部聲騰八座匪徒疇若予
工望重三台行且進熙帝載師言交暢天寵聿新
恭惟老太翁閣下社稷世臣堪輿間氣三朝薦斐
功名早著于春秋萬石躬行清望允孚于月旦帝
識鄭公之履詔起東山人彈貢氏之冠名光南服
公論自今始定揆路于此延登某誼忝葭莩情殷
庇賴慶絲綸之荐被雀躍方深願袞繡之遙來鶴
立以佇敬陳荒啓聊表賀私伏惟垂鑒某無任激
切祈懇之至

謝董溥陽啓

伏以名高八座詩書衍世澤之長族甲三吳閭閻
侈宗潢之盛幸蘭金之有托欣葭玉之相輝喜溢
華門榮生梓里恭惟老太翁閣下兩儀間氣一代
名儒典制作于石室鑿坡文能起代効論思于金
華翠幄志在匡時簡居西直之廬晉典南宮之秩
清朝曳履功名夙著于春秋綠野懸車評譽允孚
于月旦齒望渭濱之老聲高洛社之英五福來同
一經垂裕麟之趾麟之定振振並耀天衢馬維駒
馬維騏幘幘齊歸錦里慶承懽于綵侍永介壽康
諗卜吉于鏘鳴恭聞嘉命晷言舊雅用締新姻願
碧山學士集卷之十三
十

牛馬走襪線微才豈能希驥惟豚犬兒繩樞賤品
焉望登龍矧茲襁褓之孫敢覲絲羅之約祗以斗
山夙仰希聯浴浦之珠何幸葑菲不遺業解湘臯
之珮明明祖父實式靈之世世子孫永爲好也雖
云大非吾偶自幸因不失親感德難名鏤心莫既
敬裁尺牘恭布謝私伏惟台慈垂鑒

荅趙大尹賀生日啓

懷始生之桑蓬少嘗有志念早衰之蒲柳今且無
聞柴闥踰年花磚玩日莫省我辰之安在實慙皇
覽之揆初乃辱雄章過厓腆貺感愧交集報稱何

能敬具菲儀聊申謝悃伏惟台鑒幸甚

賀王荆石入相啓

伏以紫綉疏榮荷九重之特眷黃扉論道躋八座之崇班詔起東山恩頒北闕恭惟相公閣下才優王佐學擅儒宗自從甘泉持橐之時已有傳野調羹之望立朝正色障浩氣于頽波闔門養威凜清風于介石名高寰寓薦累公車公方宅恤于倚廬上每垂思于宣室宸衷簡注喜擢用之得人輿論歡騰卜治安之有日在君子固傾心而嚮正雖小人亦革面以歸誠惟德望重于斗山信人情賢于碧山學士集

卷之十三

十一

夢卜于旄在郡當日月之旣除衮繡還朝覩風雲之玄感明時盛事曠古奇逢某幸遇鴻休權同雀躍匪謂托身于元化庶幾拭目于太平固知盛德謙恭猶將三揖而進惟是聖明眷倚自宜一節以趨肅具荒函敬申賀臆伏惟台慈垂鑒某無任激切感戴之至

荅李見羅巡撫啓

伏以辟臺望重飭紀法以憲四方制閭名高端表儀而糾庶衆矧當諸藩之要幸隆撫治之權恭惟門下文武壯猷安危注意按部勵澄清之志立

朝騰譽諤之風才猷益暢于綿更式隆輿望勲業
茂揚于歷試簡在帝心晉膺專席之班特重秉
旄之寄猶且過爲謙抑深自退藏豈徒循故事以
咨謙實欲秉虛心而受益自慚謏劣徒高吐哺之
風仰望休光彌切執鞭之慕伏惟照鑒不任塵慙

荅萬二愚大尹啓

伏以一同奏最爰嘉閎閱之勲三異馳聲行見
蠶書之寵蓋儒者之施爲自別而聖明之簡擢
有期適承鼎翰之頒載辱豐儀之錫拜嘉有愧報
稱無由惟舉首彈冠佇俟龍旌之召將樞衣倒
碧山學士集卷之十三
十二
屣恭迎鳧舄之來敬因佂旋附申謝悃伏惟台鑒
不任勤慙

荅貢洪山太府啓

門下圭璋令望竹箭良才譽重中朝昔著爽鳩之
績化行瀕海今弘佩犢之風輿輪攸乎賢聲不振
豈直據方州而叅憲行將度開府以超遷遙望八
閩久稽雙鯉適承鼎翰載俯豐儀文藻敷華映細
牋而動色惠波分潤委白選以流輝對使登嘉附
言陳謝伏惟炤鑒不任勤慙

荅鄧玉洲巡撫啓

恭惟老師門下二曜資華三莪會秀丹青揆藻贊
深龍虎之文黃石授書茂著麒麟之列奉旬宣之
十載勤式遏於三垂忠結宸旒望隆台鼎就玉關
而拜爵建牙葆以登壇當元戎受制之初造築虜
嗣封之日蓋昔在外服嘗未雨而徹桑土之防乃
今晉中丞遂先聲而奪旃裘之魄 聖明簡在
恩命鼎來此儒者之綦榮亦國家之盛事某猥承
鑑冶久荷甄陶適承賓御之時來猥辱簡書之下
及顧惟積悃結約難裁是用託下走以紆忱謁中
堅而引賀負暄往獻難供赤舄之須受祉來歸聊
效蒼生之祝某不任踴躍攀戀之至

碧山學士集

卷之十三

十三

荅督府張弘軒啓

伏以橫經翠幄方切兢慚錫命瑤函猥蒙獎借惟
情文之兼縟豈謏劣之宜勝恭惟門下文武壯猷
安危注意譽望特隆于八座威稜遠聳乎三垂當
葱珩韎韐之時懷吐握緇衣之念重厘鼎翰更辱
豐儀謹拜首以登嘉敢齋心而矢謝欲報之德何
以爲期惟折筮以鞭四夷早歸袞而相天子某無
任激切祈懇之至

賀督府鄭範溪啓

恭惟年伯老先生閣下。望傾朝野。聲溢華夷。決策
運籌。用折衝於千里。經文緯武。允爲憲於萬邦。先
聲寢黠虜之謀。獨斷折盈廷之議。九年勞瘁。風猷
久著于塞垣。再世定封。恩信允孚于夷狄。國儲
因而大省。邊侵爲之坐銷。獻賚貢琛。咸趨踰于閩
外。策勲頒賚。寔簡在于宸衷。晉秩春宮。覃恩
世選。虎頭燕領。焜煌拖玉之身。麟趾裏蹄。鄭重
賜金之典。功垂竹帛。名列鐘彝。雖大蠹高牙。猶暫
煩於節度。而鴻鈞元鼎。行卽俟於登庸。某誼籍通
家。躬逢盛事。有懷欣慰。莫罄榆揚。謹拜首以颺言。
碧山學士集 卷之十二 十四

敢希人而馳賀。某無任踴躍瞻戀之至。

壽呂期翁相公八袞啓

伏以瑞見姚墟。四海頌降神之慶。恩頒冀闕。九重
隆憲老之儀。鼎鉉生輝。冠紳動色。恭惟期翁老相
公閣下。一代偉人。三朝元老。黃扉論道。功名夙著。
于春秋綠野。怡情譽望。允孚于月旦。居洛社已廿
三載。躋渭濱之八十年。茲當皇覽之揆初。恭遇

聖明之寵眷。天保定爾。介景福于無疆。帝命寧亨。
賁隆恩于有赫。明禋載錫。繁祉永綬。匪惟鄉國之
寵光。允矣巖廊之盛事。某濫竽詞苑。雅望斗山。念

我先人永託三生之誼惟茲公姓幸徼一日之知
世忝通家情深賀厦溪毛澗藻所恃明信之可羞
山阜岡陵遙祝壽祺之永介某無任欣躍惶悚之
至

壽王荆石相公啓

伏以台垣著望方側席于九重昴宿垂芒會懸弧
于七月權騰閭里喜動冠紳恭惟明公大人一代
真儒兩間正氣彤墀奏第雲開五色之祥徵玉笋
蜚英風動四方之景仰効論思于金華翠幄志在
匡時典述作于石室鑿坡文高起代造髦璧水乘

碧山學士集

卷之十三

十五

禮容臺直道危言廻汪瀾于砥柱急流勇退挺孤
節于高標公雖念在拂衣衆咸冀其歸袞謂安石
之不起當如蒼生願司馬之亟還退不黃者茲當
蓐收之司令正值皇覽之揆初綵服班斲方樂天
倫之壽豈安車束帛佇看簡命之維新某久託洪
鈞時傾遐禱溪毛澗藻所恃明信之可羞山阜岡
陵惟願壽祺之永介伏祈鑒昭以慰勤倦某不勝
感仰之至

侯王對南相公啓

伏以黃扉亮采式觀輔理之勲素鞿居憂不顯孝

思之則情懸丹宸望係蒼生恭惟相公閣下學擅
儒宗才優王佐金華論道精誠夙結于 主知玉
鼎調元德業允孚于輿望方和裏以贊國是忽啣
恤而違家艱公雖歸卧于倚廬上每儲思於宣室
春秋窺窻已知大事之克襄日月論思行見明時
之亟召某自慚樸樾幸辱栽培望素冠之樂樂未
由捧袂瞻赤舄之几几時切彈冠肅具荒亟敬陳
孝履伏惟台慈垂鑒某同前

荅沈玉陽啓

恭惟老先生望傾朝野聲溢華夷決策運籌用折

碧山學士集

卷之三

十六

衝于千里經文緯武允爲憲于萬邦忠結宸旒威
殫毳幙隼旗熊軾國方允籍乎壯猷麟角鳳毛天
將世胄乎明德賢科接武世閱增輝某尸位詞林
脩負闡棘自矢薪齋而報國敢云桃李之在門幸
獲鳳雛繆稱冰鑑過承鼎譽恒跼踏以難裁忝辱
瓊投實拜加而有愧敬申謝悃遙望洪涇不勝感
仰之至

荅邵梅墩巡撫啓

恭惟門下文武壯猷安危注意早蜚聲於中秘嗣
振譽於西臺立朝騰蹇諤之風式隆輿望開府懋

保釐之績簡在帝心詔起東山惠綏南國辟臺望
重允爲憲於四方制閫名高聿揚威于三楚某偶
承人乏濫竊文衡方深跼蹐之懷過辱睠存之寵
鼎函獎借豐貺遙臨固知吐握之勤或不遺乎葑
菲自揣蠢愚之識庸未盡乎檣薪拜尊命以懷慚
勒微衷而志感敬陳悃欵肅布謝私伏惟台慈垂
鑒不宣

潞河謝申瑤翁啓

伏以積羽沉舟橫被求全之毀寒荻煖谷重蒙再
造之恩感德無涯捐軀莫報竊念某樸愚賦性清

碧山學士集

卷之十二

七

白傳家向會同考于禮闈嗣乃典文于京省恒指
九天以爲正至將百口而矢言自信公已無私卽
隨夷主衡而莫過詎意讒人罔極與跬躡大慙而
同科至于排擠之言尤出詆誣之口顧在廷蚩斷
斷其不可吠影吠聲迺相國獨休休其有容如覆
如載故令鑠金之後猶得全璧而歸惟是王綸
錫傳之榮皆由公衆見知之素漂流斷梗空瞻傳
說之舟適館授粲頻出阿衡之鼎恩淪病骨感切
危衷恭惟老先生元德格天至誠動物秉寬仁而
維國脉持平恕以惜人才方與物而偕春憫向隅

之獨泣包荒有素撫慰彌殷敢不擢髮思愆銘膺
戴德惟念杜回結草報知己之高深寧如屈子歌
蘭嘆美人之遲暮顧以世情難測公論未申魏齊
已亡敢動虞卿之恤伯仁無罪空餘王導之悲况
平生久沐乎殊恩敢昧死復微乎後惠鵲鴿在遠
猶希剪拂之仁禽犢有私尚賴生成之德茲解維
而長往用望闕而悲鳴仰冀台慈俯垂鑒亮某
無任激切祈懇之至

啓于谷山諸公

伏以三至成讒嗟時俗之工巧一言爲智賴君子

碧山學士集

卷之十三

十八

之昭宣惟大賢見許以爲榮雖舉世皆非而不顧
某自慚末學幸際明時清白傳家必不犯惡木盜
泉之戒樸愚成性詎能立危機險械之叢苟學冥
鴻之高飛何來腐鼠之恐嚇幸逢愷悌母信讒言
惟聖主洞鑒于中由明公杖拭于外掛冠神武空
瞻赤鳥之雍容紆軫春明尚念白駒之維繫榮生
病骨感惕危衷敢不擢髮思愆銘膺戴德灰心駢
邑絕無伯氏之一言回首闕廷竊效封人之三
祝願泰階常熙乎玉燭俾良弼早覆于金甌某無
任激切祈戴之至

上冢宰楊二山啓

伏以三至成讒特嗟時俗之工巧一言爲智猶賴君子之折衷爵祿可辭身名難辱恭惟老先生三朝碩望四海具瞻操持素秉乎剛方廉頑立懦議論常依乎忠厚返薄還淳舉錯咸得其宜賢愚並受其益顧如朽鈍亦沐甄陶始以田畫之罪言常蒙獎詔繼而叔孫之肆毀屢辱包容惟大賢見許以爲榮重舉世皆非而不顧詎意該司之覆奏重違長者之初心所稱文學之優長則吾豈敢若謂事情之曖昧非余所知蓋吠影吠聲衆口有鑠金

碧山學士集

卷之十三

九

之謗而不愧不作匹夫無懷璧之尤至于排擯之言尤出詆誣之極果若王沂公之去丁謂尚難並坐爲奸况以藺相如之讓廉頗原無開罪之實若使薰蕕之莫辨遂將玉石之俱焚此千古未白之寃實一時所遭之厄雖病骨已甘于擯弃而覆盆尤俟于昭宣矧 聖明召對之時固正氣方伸之日願挽其肥遯之志勉爲猷裕之謀整肅朝綱匡扶世道倘君子如怒能昭德而塞違庶壬人漸消可移風而易俗某不勝仰望之至

壽瑤泉申相公啓

伏以天壽平格。永保乂乎王家。月吉誕彌。長發祥于神嶽。光生鼎鉉。慶溢簪紳。恭惟相公閣下。望重三朝。學師萬乘。啓沃功深于造膝。平章用弼乎仔肩。一德阿衡。作孚先于百辟。七年首鉉。開壽域于八荒。上方享於告公。天維錫以鈍嘏。茲值中秋之既望。載逢皇覽之揆初。祝肇華封。將拜冕旒於閭闔。籌添海屋。先瞻花甲於薇垣。如斗柄輔天以旋。若長庚先日而起。天顏有喜。帝眷孔殷。蓋惟相道永光。得其名必得其壽。是以天休滋至。俾爾熾復。俾爾臧某。夙荷栽培。時懷報稱。惟以杞憂之過計。橫來萋斐之讒言。仰荷仁慈。既寬法網。復徼鼎力。屢賜溫綸。某不敢忘君父之大恩。又奚忍負相公之洪造。雖考槃獨寤。末由東閣之趨。而明德永懷。敢效南山之頌。恭陳澗藻。用祝岡陵。仰冀台慈俯垂。昭鑒某無任激切祈懇之至。

謝董潯陽賀生日啓

伏以三朝壽考。縉紳推柱石之尊。一代宗儒。絃寓景斗山之重。惟天心永錫。以難老彌介。壽康迺盛。德益恢乎有容。時屢吐握。愧在泥塗之辱。重蒙華袞之褒。焜燿有加。凌兢無措。恭惟老太翁相公閣

下得天間氣爲世完人。勲猷茂著于春秋。名高北斗。德譽時聞于月旦。頌比南山。處伊傳而出夔龍。言準繩而行規矩。象賢世濟。衣冠聯日月之旁。繩武方來。履舄映星辰之上。功成而身遂。隱德杜而道彌尊。百祿是邁。繁祉彌錫。今且葆光塞兌。挾曼倩而朝。駐景之宮。練氣緯真。接浮丘以遊。和神之國。蓋所謂總生人無二之瑋業。而樹宇內鮮儷之榮觀者也。某材非用世學不通方。慙無射鵰之長木。強取嫉媿。乏轉圜之捷柄。鑿見投解。我天弔。迩余初服。幸緣世講之好。遂締葭莩之親。窺足滄溟。

每朝宗百谷之主。引領泰岱。時蒲伏丈人之峯。迺蒙葑菲之不遺。致辱桑蓬之是念。長者有賜。愛之而欲其生。小子何知。赧焉莫知所報。自惟疎目之譴。不能擢髮以陳。寅勒短章。上候台履。世多險巇。念至人投諸汗漫之鄉。民日風波。知鴻士遊於廣莫之野。伏望益臻恬穆。彌就康愉。春秋日以高若。召奭百歲。而輔青陽之帝。造化在其手。如廣成千禩。而當黃屋之師。遙睇慈顏。曷勝瞻戀。某無任激切祈懇之至。

伏以辟車峻秩風推文武之兼材專席雄斑式荷
保釐之重寄睠以諸藩之首聿來名世之英士庶
騰歡山川改色恭惟臺下主璋令德杞梓良材昔
當南山隱霧之時已有北闕甘霖之望輿情允屬
乃一出而爲蒼生帝眷攸隆不數遷而至開府
頃當狂瀾之倒海獨能砥柱乎中流正色立朝清
聲範俗霜臺白簡百吏素仰其風稜露冕朱帷列
城當被其德澤頤東南之物力已竭而西北之征
輸孔殷島寇方揚海氛未靖安內攘外尚煩當宁
之憂勤建威銷萌惟賴明臺之坐鎮某分甘樗棄

情切杞憂思爲地方借鼎而無由忽聽朝廷除音
而欲舞有冠已掛莫能爲貢氏之彈扶杖而觀竊
欲效輿人之頌爰承嚴命勿襲虛儀憑尺牘以遙
將表寸衷之獨企伏惟台慈垂照不宣

賀陳玉壘拜相啓

伏以揆路升華奕世掌絲綸之重明廷渙號人
情賢夢卜之求慶堂構之承芳占棟隆之叶吉恭
惟相閣下才優王佐學擅儒宗向當弘文斑馬
之儔已有接武夔龍之望經帷論道精誠夙結于
主知棘院掄材藻鑒允孚于士類爰自東朝之端

秩晉升北斗之崇班惟 朝廷瞻舊學以延登乃
海寓聞新叅而鼓抃汝爲汝翼規隨永弼乎仔肩
嘉謀嘉猷啓沃時勤于造膝盖周公先而魯公後
邁韋平父子之榮惟陟格帝如尹格天續堯舜君
民之業某分甘樛棄情切葵傾知朝用正人將覩
太平于一日念士伸知己可無控訴于九天肅具
荒函遙申鄙悃伏惟台慈垂鑒戴之至

謝崇德周大尹

恭惟臺下行義珪璋文章淵海金門釋褐展驥足
于空羣墨綬分章奏牛刀于下邑自古登之鼎鼐
碧山學士集 卷之五 三三
必先試以絃歌百里攸司蓋有社稷人民之重一
同所係豈止簿書期會之煩矧語溪介吳越之衝
而比歲值公私之困隨車膏雨民多來暮之歌一
路福星境有熙春之樂山川改色士庶騰歡不佞
匿跡林間棲心物外未展稱觥之禮奄蒙束帛之
將且獎借過情而謙冲踰禮敢循墻而拜賜祇踏
地以難勝敬具菲儀恭陳謝悃伏惟台鑒不宣

壽章大尹啓

伏以河陽花滿當五年報政之期海屋籌添適萬
姓祈年之候佇徵書于北闕竊獻頌于南山恭惟

老父母臺下學道愛人緣儒飾吏清操玉潤有懸
魚留犢之風雅度春溫致馴雉棲鸞之化政績茂
成于三異懽聲徧協于一同某忝竊鄰封幸霑河
潤扶杖而觀德政彌深孔邇之懷擊壤以歌太平
遙奏寢昌之祝祇陳藻荇用介岡陵某無任祈懇
之至

壽申瑤翁相公啓

伏以惟嶽降神蚤篤生乎帝弼自天純祐永保又
乎王家鼎鉉迎禧眷紳協慶恭惟相公閣下休休
容善穆穆迓衡當百年名世之期明良相遇適九

碧山學士集

卷十三

十四

載告成之日德業彌隆精誠素結于主知譽望允
孚于公論人雖自絕何傷日月之明天其用休寧
俟風雷之變茲值中秋之既望載逢皇覽之揆初
昴宿岳芒先虹樞而啓耀台階薦祉扶日轂以長
明凡在甄陶咸同鼓忭自分海隅棄梗終難登傳
說之舟所愧沼沚微毛奚敢薦阿衡之鼎祇齋心
而致禱用稽首以颺言仰冀台慈俯垂照鑒

賀孫立峯年伯啓

伏以世臣係一代之重作乎先以監師工冢宰受
百官之成建治典以均邦國况當內脩外攘之日

正資文經武緯之才喜溢同朝懽騰薄海恭惟老年伯大人奕世宗工明時舊德巖巖特立操持素秉乎剛方休休有容議論常依乎忠厚新膺簡命晉秉銓衡惟德望重于斗山信輿情賢于夢卜帝識鄭公之履將鼎鉉自此而允升人彈貢氏之冠庶忝茅從茲而彙進某才同樗櫟誼竊粉榆遙瞻父執以景行素佩師言而祇服茲逢盛事倍切歡情知朝用正人公道有昭明之日念鄉多先達後生興淑艾之風敬具微忱遙申賀億伏惟台慈垂鑒某無任激切感戴之至

碧山學士集

卷之十一

廿五

賀趙澈陽啓

伏以紫禁宣麻欣觀台垣之耀黃扉亮采具瞻揆席之榮慶協巖廊歡騰寓縣恭惟老先生得天間氣爲世大儒射策彤墀共仰人文之冠冕蜚英玉署聿標後進之儀刑自從甘泉北藁之班已有商野調梅之望頃佐三銓而清羣一爰登八座以贊萬幾予欲汝翼汝爲用匡乃辟天生先知先覺共牖斯民惟德望重于斗山信人情賢于夢卜某深慚謏劣久荷甄陶窮谷寒蓂自隔阿衡之鼎中流棄梗空瞻傳說之舟惟知國用名賢觀太平于一

日亦謂鄉有先達托私庇于二天欲訴重華以陳
詞遙馳一介而申候仰祈宏度用鑒微誠某無任
激切顛懇之至

賀劉軍門啓

伏以辟車峻秩夙推文武之兼材專席雄班式荷
保釐之重寄矧在佂藩之首宜來名世之英命錫
巖廊懽騰海嶠恭惟老公祖 臺下才經世用
學懋家傳製錦名封樹循良之最績掄材選部蜚
藻鑑之英聲爰晉卿貳而兼秩北門乃陟中丞而
作屏東土實同召康公分陝之任克壯尹吉甫憲

邦之猷幕府初開隼旆熊軾之光儀坐鎮都城什
一旗門甫列鼙鼓犀渠之部曲廣招君子三千塞
帷而膏雨春零佩牛之甿鈞被推轂而攬槍夜隕
貢雉之國方來固將紀勛於藏冊之巖立碣於建
標之嶺矣某分甘樗棄心切葵傾蚤歲策名竊附
蠅飛於驃騎昔年在仕亦嘗貂續於鴛行似於蔭
芘之中獨有殷懃之素徒以紫芝不遇曼容之宿
疾未瘳是用冊轂常懸元亮之敝輿難駕拜瞻徒
切睠念曷勝敢薦不腆之儀少申稱賀之悃倘蒙
鑒納寔荷榮施某無任瞻仰之至

壽徐輿浦啓

恭惟吉月誕彌福星初度喜男子桑蓬之日當碩
人適軸之時樂事無涯壽祺永介矧覩東廂之上
第喜方溢于門楣栽瞻南極之騰輝籌新添于海
屋凡在親識靡不歡欣而不肖偃息既久登賀未
能敬脩蘋藻之私遙致岡陵之頌伏惟炤鑒不任
勤倦

壽申相公啓

恭惟老先生謝政黃扉怡情白社三台鼎望功名
夙著于春秋萬石家聲清譽允孚于月旦茲當中
碧山學士集卷之十三 廿七
秋之旣望會逢六表之揆初百福攸同四方來賀
知天旡明德永錫難老而爲國家平格之臣乃人
沐恩私共祝無疆以爲鄉邦憲乞之主某久霑德
澤時切瞻依顧方從長桑以遊未獲效大椿之頌
聊陳澗沚用祝岡陵某無任屏營仰戴之至

復維巡撫啓

伏以名藩珍筵騰寶月之光華下里樛材被仁風
之披拂輝生懷袖喜溢心顏白羽指麾遙想壯猷
于三峽黃金燦爛恭承嘉惠于五明敬勒荒函屢
申謝悃伏惟台鑒不宣

賀沈繼山起大理啓

恭惟門下清標範俗直道匡時出處繫天下之重
輕卷舒爲君子之消長綠蘿高卧乃強起而爲蒼
生紫綉聯頌不數遷而登大棘 聖明特簡輿論
攸孚行將跨臯呂之班豈直爲于張之侶不肖弟
掛冠已久無能爲貢氏之彈籍藁而居何敢望翟
公之署且當賓紳之滿座自難野服而升堂惟願
朝登正人將覩太平于一日豈謂姻有廡仕欲求
私庇于二天聊具荒儀用申鄙悃伏惟台慈鑒納
幸甚

碧山學士真

卷之十三

三

復徐節推啓

恭惟臺下三年司李七邑成棠平反深徹乎覆盆
民無冤獄檢察夙精于明鑑吏絕舞文績在程書
聲騰薦牘仰荷宸衷之簡注綸綍昂來佇看輿論
之咸推弓旌將至紳縫鼓枥閭巷騰懼自分椎魯
無文愧揄揚之莫罄迺承瓊瑤下錫思拜受以何
辭肅具短章祇陳謝悃伏惟台鑒不宣

同門候春翁陳老師啓

在前

伏以振佩彤闈夙欽威鳳拂衣綠野高蹈冥鴻步
趨竊擬於前聞契濶彌增其緬想恭惟老師一代

名儒三朝雅望既不難于解綬猶未免於鑠金盖
可信者心師方秉冲夷而厭矜飾不察其影人且
執疑似而肆流言莫求萋菲之端竟昧薰蕕之辨
青蠅白璧抱竒何損於連城銀魚碧山適志遽還
於初服塵襟盡釋勝事相關顧丘壑在焉誠懷難
進易退之節而江湖渺矣寧忘先憂後樂之盟將
大副乎輿情尚竚瞻於後命某等深漸銖兩謬辱
鑪錘追龍門奉祿之年均稱小子值虎闈譽髦之
日得見長君怒如調饑悵重蚡之無自溫然豐玉
知接武之有人式因歸省之圖附致起居之敬伏

碧山學士集

卷之十三

元

祈垂鑒無任馳神

啓沈蛟門

右前念二年

伏以蒲輪賜召東山擁上相之軺樞席調元北斗
曳文昌之履光生槐棘喜溢粉榆恭惟相公閣下
才優王佐學擅儒宗自從甘泉持橐之時已有傳
野調羹之望經帷論道精誠夙結于主知選部掄
材識鑒允乎于士論去國踰七年之久居家騰萬
石之聲薦累公車名高寰寓宸衷特簡晉舊學以
延登輿論攸歸聞新參而鼓抃其分甘樛棄情切
葵傾惟思朝用正人將覩太平于一日豈直鄉有

先達庶幾私庇于二天肅具荒由敬申賀臆伏惟
台慈垂鑒其無任徼切仰戴之至

回申瑤翁聘啓

時方在制用濬泉叔出名

恭惟老先生閣下一代鉅儒三朝元老黃扉秉政
久爲四海之倚衡綠野養高時動九重之側席伏
念總菰蘆末品蓬華寒宗通家誼篤于在三猶子
情深于吹萬長竿西掖叨公門一日之知仲濫北
扉蒙大厦二天之庇重以從孫卑幼兼承函丈恩
私小子執經敢云高足長公附驥倖托芳塵何物
葦葭揣分敢期倚玉忽來筐篚充庭不啻投瓊辱
傳命于冰人盟諧兩姓僭分陰于喬木歡締百年
惟幸因可爲宗頓忘大非吾偶謹偃僂而登謝致
齋沐以致詞伏冀鈞涵曷勝榮荷

壽申瑤翁啓

伏以黃扉論道夙昭平格之勳綠野凝禧式睹誕
彌之慶輝躔鼎鉉喜溢林泉恭惟老相公閣下一
代偉人三朝元老商家舟楫扶宇宙于升平楚國
靈椿歷春秋之鼎盛四海仰休休之度一人鑒欵
欵之忠惟懋德以恭先頌膚常遜以丕時而讓後
成功不居養益遂于致柔道莫尊于善息元圭赤

寫衆瞻師相之榮野服綸巾身與漁樵爲侶乃當
仲秋之既望載逢皇覽之揆初周室三朋會見壽
祺之永介箕疇五嚮欣逢福履之駢臻矧秋當辰
角而常清月應懸弧而俱滿司馬入洛之年尚壯
樂事方殷安石歸山之望愈隆徵書且至某舊蒙
陶鑄新締姻媿念餘載祗服師言一進退皆由者
造欲祝無疆之壽敬申不腆之將迹阻登龍心馳
賀燕所恃溪毛澗藻王公可羞願如山阜岡陵君
子偕老伏惟炤鑒不任勤倦

啓總河劉晉川

碧山學士集

卷之三

三十一

伏以清鏡常懸丰采係百寮之望玄圭載錫平成
效四載之勞國家方急于飛芻帝命仍兼乎掌土
公私咸賴遠邇騰歡恭惟臺下扶輿毓秀川嶽鍾
英應百年名世之期作一代人倫之楷始儲英于
秘館文望彌隆繼展采于瑣闥直聲茂著迨乎宣
營藩省合政刑教養以兼資爰至廸簡王庭作耳
目股肱之重寄位斗杓以輔政共均四海之宜凜
冰鑑以遴才立辨九流之品方秉衡以贊邦治忽
予寧而違家艱詔起東山乃命恤功之川后恩宣
北闕更兼主餉之蕭何勳將勒于旂常名永垂乎

竹帛其材同散木。分在誅茅。昔以牛馬走而步瀛
洲。仰高先進之韻。繼以豚犬兒而遊泮水。叨蒙異
等之知。感激誠深。揄揚莫罄。雖有冠已掛。無能爲
貢氏之彈。而扶杖以觀。竊敢輿人之頌。祇陳尺牘。
聊表寸忱。伏惟台照幸甚。

